

**დამტკიცებულია:**

ა(ა)იპ “გიორგი მთაწმინდელის სახელობის  
გალობის უნივერსიტეტის” რექტორის  
2024 წლის 12 დეკემბრის №ო/53 ბრძანებით

**ა(ა)იპ “გიორგი მთაწმინდელის სახელობის გალობის უნივერსიტეტის” საპატიო  
დოქტორის აკადემიური წოდების მინიჭების წესი**

**მუხლი 1. რეგულირების სფერო**

1. ეს წესი არეგულირებს ა(ა)იპ “გიორგი მთაწმინდელის სახელობის გალობის უნივერსიტეტის” (შემდეგ ტექსტში “უნივერსიტეტი”) მიერ საპატიო დოქტორის აკადემიური წოდების მინიჭების საფუძველსა და პროცესს.
2. უნივერსიტეტს უფლება აქვს, მეცნიერს, მუსიკოს-შემსრულებელს, ან საზოგადო მოღვაწეს განსაკუთრებული დამსახურებისთვის მიანიჭოს საპატიო დოქტორის აკადემიური წოდება.
3. საპატიო დოქტორის წოდება შეიძლება მიენიჭოს პირს, იმის მიუხედავად, ეკავა თუ არა მას უნივერსიტეტში აკადემიური, სამეცნიერო ან/და ადმინისტრაციული თანამდებობა.

**მუხლი 2. საპატიო დოქტორის აკადემიური წოდების მინიჭების პირობები და საფუძველი**

1. პირისათვის, რომელსაც მინიჭებული აქვს დოქტორის სამეცნიერო ხარისხი, ასევე, საზოგადო მოღვაწისთვის, ან მუსიკოს-შემსრულებლისთვის, რომელთაც განსაკუთრებული დამსახურება აქვთ, საპატიო დოქტორის აკადემიური წოდების მინიჭების საფუძველი შეიძლება გახდეს:

ა) უნივერსიტეტში ნაყოფიერი სასწავლო-სამეცნიერო და საზოგადოებრივი საქმიანობა;

ბ) აკადემიურ განათლებასა და სამეცნიერო კვლევის განვითარებაში შეტანილი განსაკუთრებული წვლილი;

გ) ქართული ტრადიციული მუსიკის განვითარებაში შეტანილი განსაკუთრებული წვლილი;

დ) განსაკუთრებული მნიშვნელობის მეცნიერული მიღწევა;

ე) უნივერსიტეტის განვითარებისათვის გაწეული განსაკუთრებული სამსახური;

ვ) საზოგადოების წინაშე არსებული დამსახურება.

2. საპატიო დოქტორის წოდება შეიძლება მიენიჭოს როგორც საქართველოს, ასევე უცხო ქვეყნის მოქალაქეს.
3. საპატიო დოქტორის წოდების მქონე პირებზე არ გაიცემა ანაზღაურება.

### **მუხლი 3. საპატიო დოქტორის აკადემიური წოდების მინიჭების წესი**

1. საპატიო დოქტორის აკადემიური წოდების მინიჭების თაობაზე გადაწყვეტილებას იღებს რექტორი.
2. საპატიო დოქტორის აკადემიურ წოდებაზე წარდგენის უფლება აქვს ფაკულტეტის საბჭოს, ან/და ფაკულტეტის დეკანს.
3. ფაკულტეტის საბჭო, ან/და ფაკულტეტის დეკანი უნივერსიტეტის რექტორს პირის საპატიო დოქტორის აკადემიურ წოდებაზე წარდგენასთან ერთად, წარუდგენს ამ წესის მე-2 მუხლის 1-ლი პუნქტით გათვალისწინებულ ინფორმაციას, დოკუმენტაციასა და დასკვნას წოდების მინიჭების მიზანშეწონილობის შესახებ.
4. საპატიო დოქტორის აკადემიური წოდების მინიჭების თაობაზე გაიცემა შესაბამისი დიპლომი.

### **მუხლი 4. წესის დამტკიცება და ძალაში შესვლა**

1. წესს დამტკიცდეს უნივერსიტეტის რექტორის ბრძანებით.
2. წესში დამატებები და ცვლილებები შევიდეს უნივერსიტეტის რექტორის ბრძანებით.
3. წესი ძალაში შევიდეს დამტკიცებისთანავე.